



## ЎЗБЕКИСТОН РЕСПУБЛИКАСИ МОЛИЯ ВАЗИРИНИНГ БҮЙРУГИ

Ўзбекистон Республикаси бухгалтерия ҳисобининг Миллий стандартига  
(5-сон БХМС) “Асосий воситалар”га ўзгартришлар киритиш ҳақида

Ўзбекистон Республикасининг “Бухгалтерия ҳисоби тўғрисида”ги Қонунига  
мувофиқ буюраман:

1. Ўзбекистон Республикаси молия вазирининг 2003 йил 9 октябрдаги 114-сон  
буйруғи (рўйхат рақами 1299, 2004 йил 20 январь) (Ўзбекистон Республикаси қонун  
хужжатлари тўплами, 2004 й., 3-сон, 35-модда) билан тасдиқланган Ўзбекистон  
Республикаси бухгалтерия ҳисобининг Миллий стандартига (5-сон БХМС) “Асосий  
воситалар”га иловага мувофиқ ўзгартришлар киритилсин.

2. Мазкур буйруқ расмий эълон қилинган кундан эътиборан кучга киради.

Вазир

Тошкент ш.,  
2018 йил “22” октябрь,  
134-сон



Д. Кучкаров

Ўзбекистон Республикаси  
молия вазирининг  
2018 йил 22 октябрдаги  
134-сон буйруғига  
ИЛОВА

**Ўзбекистон Республикаси бухгалтерия ҳисобининг Миллий стандартига  
(5-сон БҲМС) “Асосий воситалар”га киритилаётган ўзгартиришлар**

1. 13-банд қўйидаги таҳрирда баён этилсин:

“13. Чет эл валютасида харид қилинган асосий воситаларнинг бошланғич қиймати, уларнинг харид қилинганигини тасдиқловчи бошланғич ҳисоб ҳужжатларида (товарнинг кузатув ҳужжатлари ёки божхона юк декларациясида) кўрсатилган қийматидан келиб чиқиб, уларни бухгалтерия ҳисобига қабул қилиш санасидаги Ўзбекистон Республикаси Марказий банки курси бўйича қайта ҳисоблаб, шунингдек мазкур стандартнинг 11-бандида назарда тутилган тегишли харажатларни ҳисобга олган ҳолда, аниқланади.”.

2. 35-банд қўйидаги таҳрирда баён этилсин:

“35. Қўйидагилар амортизация қилинмайди:

а) ер участкалари ва табиятдан фойдаланишга доир бошқа объектлар (сув, ер ости бойликлари ва бошқа табиий ресурслар);

б) маҳсулдор чорва моллари;

в) ахборот-кутубхона фонди;

г) қонун ҳужжатларида белгиланган тартибда консервациялашга ўтказилган асосий воситалар;

д) музей ашёлари;

е) моддий маданий мерос объектлари;

ж) умумий фойдаланишдаги автомобиль йўллари, йўлаклар, сайилгоҳлар, хиёбонлар, маҳаллий давлат ҳокимияти органлари тасарруфида бўлган ободонлаштириш иншоотлари;

з) тўлик амортизацияланган асосий воситалар.”.

